

清代  
禁燬書叢刊  
第一輯

在魯齋文集  
(上)

明·孔貞時撰

偉文圖書公司印行

明·孔貞時撰

在魯齋文集  
(上)

偉文圖書出版社有限公司印行

印翻勿請・有所權版

號叁伍零第字業臺版局證記登記登准核局聞新院政行

清代禁燬書叢刊

# 在魯齋文集(上)

發行人：洪 清 泉

臺北市承德路五九巷六號二樓  
電話：五九一三五一七

撰者：孔 貞 時

發行所：偉文圖書出版社有限公司

信箱：臺北第六八一九八一號

電話：五九二二六七八號(三線)

郵撥：第一〇四〇四三號

印刷所：東 陞 印 刷 有 限 公 司

臺北市德昌街一八五巷四十七號

中 華 民 國 六 十 六 年 八 月

(本書係中央圖書館所藏)

Published By Wei-Wen Books & Publishing Co., Ltd.  
P. O. Box 68-981 Taipei, Taiwan, R. O. C.  
Tel: 5941116-8

泰華孔公文集序

泰華孔公蚤負才名丙申  
與余同選貢同遊南太學  
是時馮黃兩師爲政得公  
文大加賞激聲名藉甚六

館間以爲旦晚當飛去逡  
巡至于癸丑始以麟經魁  
天下余濫附驥已同膺館  
選讀中秘書公以宿士一  
旦占名魁高步金馬石渠

之署海內人士仰之如日  
月星辰得其片語隻字寶  
之如璆琳瑯玕洛陽之紙  
不啻貴矣而公自視粥粥  
若無能漠然其若無有也

與余朝夕趨走館下奉師  
教恂恂如小書生入則屈  
首受書出則報謝賓客殆  
無寧晷其所酬應之作皆  
取辨于倉猝咄嗟之間而

非其佇思極慮而爲之者  
然一一有典有則有色有  
情自然言語妙天下何也  
公曾藏錦繡口吐珠璣每  
一捉筆煙霏霧散灑灑數

千百言頃刻立就卽公不  
知其所以然而然者此殆  
天授非人力之所爲也公  
歿十餘年公仲弟玉橫太  
史與公之子仲石君彙公

平生之文而刻之成集屬  
余爲敘余執卷而不覺淚  
已承睫矣嗟乎余安忍敘  
公之文哉余與公交最久  
辱公之愛最真知公最深

公之所以重于世者文章  
云乎哉公之心聖賢之心  
也非庸衆人之俗腸也公  
之才八面四周經綸天下  
之大才也非茆茆者比也

一膜之外皆胡越人情類  
然公視人猶已推心置腹  
真有一夫失所恫乎納溝  
者焉此何等肺腸耶吾未  
見一旦投之以事而不驚

者也稍稍盤錯益徬徨四  
顧而莫知所以應公一切  
揮霍自如處之甚閒不動  
聲色可以化大爲小可以  
化有爲無此何等才具耶

以公如此之肺腸之才具  
使天假之年幸得柄用必  
能爲

國家培養元氣而不令其摧  
殘必能爲

朝廷擔大事決大策不至于  
廢壞墮窳而不振必能使  
一世之人同遊于華胥春  
臺之上而勛猷輝映于鐘  
鼎功名鐫刻于盤盂豈徒

稱菰林之白澤作文陣之  
雄帥已哉人才之生氣運  
覘之以爲消長之候今天  
下需才亟矣每恨不得一  
奇男子以爲世界之擔荷

天縱公以才而又靳公以  
年使梗楠豫章不得出而  
爲梁爲棟而干星衝斗之  
神物竟化爲延津之龍以  
去令天下後世但得誦其